

դարեալ սլաոուական սկումբը եւ այլ անօթք չինեալ յաւուրս սորա :

Իսկ յազադս թաղելոյ զմարմին Յովակիմայ 'ի Քրիստոս հանգուցելոյ 'ի վանս Ս. Փրկչի, կրեցին միաբանք ոչ սակաւ նեղութիւնս . զի դատաւոր քաղաքին արգել զայն և ոչ ետ թոյլ թաղել զնա անդ . մինչեւ բազում աղաչանօք հազիւ ուրեմն կարացին հաճել զմիտս նորա խոստանալով հատուցանել նմա ինն քսակս արծաթոյ . 'ի վերայ այսր զիջաւ 'ի բարկութենէ, և ապա հրամայեաց թաղել զնա :

Գ Լ Ո Ւ Խ Ժ Դ .

Ընտրութիւն Պետրոս Լախիոպոսի : Դանտպանք Ս. Յարութեան : Հաւուխտաւորաց : Մաքսապետ Յօպպէի : Այլազգիք Երուսաղէմի : Կաւսակալն Դամասկոսի : Գիւղական Ֆէլահք : Մաքսապետն Յօպպէի :

Զին վախճանի Յովակիմ Պատրիարքի և անցանելոյ աւուրց ինչ 'ի վերայ, ժողովեցան միաբանք յեկեղեցի Ս. Յակոբայ, ուր հաճութեամբ և խորհրդով ամենեցուն ընտրեցին զՏէր Պետրոս Արք եպիսկոպոսն Եւդոկիացի, որ էր Լուսարար կամ Փակակալ տաճարի Ս. Յակոբայ, լինել Պատրիարք Աթոռոյն Երուսաղէմի . թէպէտ նա բազմիցս հրաժարեցաւ, անբաւական համարելով զինքն այնմ ծանր և դժուար պաշտօնին, այլ 'ի վերջոյ զիջեալ 'ի թախանձանս միաբան եղբարց յանձն առ, որպէս զրէ նա ինքն Պետրոս առ Պատրիարքն Բիւզանդիոյ . « Գիտելով առեւ զներքին և զարտաքին զանտանելի ցաւս Ս. Աթոռոյն, զհաշի հարեալ եմ և դողամ . ոչ այնքան սարսեցին երեք մանկունքն 'ի Բաբելոնեան հնոցէն, որքան ես 'ի պաշտօնէս յայտանէ . զի նոքա աներկիւղ դիմեցին 'ի հուրն յուսացեալ 'ի սրբութիւն անձանց իւրեանց, իսկ ինձ չիք վստահութիւն 'ի տեսականս և 'ի գործնականս . աղաչեմ չհայիլ յերեսս մարդոյ, այլ արժանաւորութիւն անձին . զիպէ Տէր զի 'ի հարկեցուցիչ բանից միաբանաց ետու հաւանութիւն, եւ ոչ ներքին յօժարութեամբ . զի հրա-